



উপজেলা পরিক্রমা

বরগুনা সদর

বরগুনা, ৫ মার্চ (সংবাদদাতা)।—সদর উপজেলার পূর্বে পায়রা, পশ্চিমে বিষখালী নদী এবং দক্ষিণে বঙ্গোপসাগর। সমস্যা জর্জরিত উপজেলাবাসী প্রশাসনিক বিকেন্দ্রীকরণের মাধ্যমে তাদের ভাগ্য উন্নয়নে আশাবাদী হয়ে উঠেছিল। কিন্তু বরগুনা উপজেলার আজও উন্নয়ন দেখা যাচ্ছে না। বিদ্যুৎ, যোগাযোগ, শিক্ষা, স্বাস্থ্য, হাট-বাজার প্রভৃতি ক্ষেত্রে অবহেলিত এই উপজেলা।

বিদ্যুৎ

বিদ্যুৎ বিভাগ এখানকার নিত্যনৈমিত্তিক ব্যাপার হয়ে দাঁড়িয়েছে। বর্তমানে গড়ে ১০ ঘণ্টার অধিক বিদ্যুৎ সরবরাহ বন্ধ থাকে। আর এই বিদ্যুৎ একবার গেলে কোন সময় পাওয়া যাবে তার নিশ্চয়তা নেই।

যোগাযোগ

যোগাযোগের ক্ষেত্রে বরগুনা উপজেলা অনন্নত। রাজধানী ও বরিশাল-পটুয়াখালীর সাথে যোগাযোগ সমন্বয়কারী লঞ্চ ঘাটতে যাত্রী ছাউনি নেই। ঘণ্টার পর ঘণ্টা খোলা আকাশের নীচে যাত্রীদের দাঁড়িয়ে থাকতে হয়। বর্ষা মওসুমে যোগাযোগকারী রাস্তাগুলো পানিতে ডুবে থাকে। ফলে স্কুল-কলেজের ছাত্র-ছাত্রীদের বর্ষা মওসুম বাড়িতে থাকতে হয়। উপজেলার রাস্তার উন্নয়ন জরুরী হয়ে পড়েছে।

শিক্ষা

বরগুনা উপজেলায় শতকরা ২২ জন শিক্ষিত। এ উপজেলায় ১০৭টি সরকারী প্রাথমিক বিদ্যালয়, মাধ্যমিক ১৯টি, ১টি সরকারী কলেজ, ১টি বেসরকারী মহিলা কলেজ, ২টি সিনিয়র মাদ্রাসা, ১২টি দাখিল মাদ্রাসা রয়েছে। সিনিয়র মাদ্রাসাগুলো আর্থিক অনটন, ক্লাস রুমের অভাব, গবেষণাগারের যন্ত্রপাতির অপ্রতুলতা, শিক্ষক প্রভৃতি সমস্যায় ভুগছে।

স্বাস্থ্য

বরগুনা উপজেলায় ১টি হাসপাতাল ও ১টি অনাথ আশ্রয় রয়েছে। উপজেলা সদরে হাসপাতালটির অবস্থা অভয়ঙ্কর। এ হাসপাতালে বেডরুম, এক্সে-রে মেশিন নেই। পানির অভাব এবং ওষুধের অভাবে জটিল রোগীর চিকিৎসা করা যায় না।

কৃষি

কৃষিপ্রধান এই উপজেলা। এখানে ধান, মরিচ, সুপারী, ডাল, তৈলবীজ প্রভৃতি উৎপন্ন হয়। এখানে ভূমিহীন কৃষকদের সংখ্যা ১১ হাজার।

হাট-বাজার

এই উপজেলায় ১০টি হাট-বাজার রয়েছে। তবে দক্ষিণ অঞ্চলে প্রসিদ্ধ বাণিজ্য কেন্দ্র বরগুনা বাজার উপজেলার ছোট ছোট বাজারগুলো বিভিন্ন সমস্যায় জর্জরিত।